



Dènye Nouvèl sou Imigrasyon: Tribunal Anlè Etazini-a sou Pwogram Aksyon Ranvwaye pou Rive Ti-Moun « DACA »

18 Jwen 2020, Tribunal Anlè Etazini-a di ke fèmen pwogram Aksyon Ranvwaye pou Rive Ti-Moun ke Administrasyon Trump fè an 2017 pat legal, sa pèmèt preske 800.000 manm komonote ki te gen dokiman « DACA », 45.000 ladan yo nan Nou Yòk, ki rele Etazini Amérik lakay yo respire yon soulajman nan konnen pwogram lan pa elimine e l-ap kontinye mache.

Kisa desizyon-an vle di?

- Desizyon Tribunal Anlè-a espesifikman pa dakò ak jan administrasyon Trump lan fèmen pwogram la an 2017. Tribunal lan di jan yo fèmen pwogram la pa nòmal. Li pa di « DACA » legal ou yon bon politik'
- Desizyon Tribunal Anlè-a vle di fò yo retabli pwogram lan konplètman, sav le di moun k-ap aplike pou premye fwa gen dwa fè sa. Li pa klè kilè « United States Citizenship and Immigration Services « USCIS » va komanse pran aplikasyon tou nèf. Moun ki gen “DACA” kounye-a kontinye kapab renouvre-l pou de zan ankò.
- Li posib ke ‘Advance Parole» ka pèmèt ankò moun ki gen « DACA » vwayaje soti Etazini epi tounen. Sepandan, detay sou sa pokò klè, plis efè potansyèl epidemi « COVID-19 » ka limite posibilité vwayaje.
- Tout moun ki elijib pou « DACA » bezwen konsilte moun ki bay sèvis legal pou enfòmasyon kijan pou aplike premye fwa, renouvre « DACA » ki nan men yo plis ou byen egzamine si yo elijib pou lòt opsyon imigrasyon pi definitif.

Desizyon sa se yon pakèt viktwa pou kominote imigran nou yo ak alye yo ki te mobilize pou pwoteje pwogram « DACA ». Sepandan, li enpòtan pou kenbe nan tèt nou ke administrasyon Trump lan kapab eseye ankò pou fèmen pwogram la lòt jan e se sèlman lwa Kongrè-a ki kapab bay manm kominote ki gen « DACA » yon kondisyon pèmanan nan Etazini.

Nou va kontinye mete dènye enfòmasyon nan « website »nou lè yo soti.

Pou fè yon randevou ak “Catholic Migration Services »pou asistans legal gratis pou « DACA » ou renouvèlman, rele nou nan (718) 236-3000 (Biwo Brooklyn) ou (347) 472-3500 (Biwo Queens).